

permittente, ut invictæ patientiæ, ac profundissimæ humilitatis exemplar præberet.

**R.** Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. — Propterea.

**Lectio vj.**

**C**aritate erga proximum singulariter enituit: nam sæpe noctes ducebat insomnes, vel obeundis sororum ministeriis, vel inserviendo infirmis occupata, quarum aliquando ulcera lambens sanavit. Infidelium et peccatorum perditionem amare deflens, se ad quælibet pro illorum salute tormenta paratam offerabat. Multis ante obitum annis, universis cæli deliciis, quibus copiose affluēbat, herōica virtute renūtiāns, illud frequenter in ore habebat: Pati, non mori. Tandem, longa et gravissima infirmitate exhausta, transivit ad Sponsum die vigesima quinta Maii, anno millésimo sexcentésimo séptimo, expléto anno quadragésimo primo ætatis suæ. Eam multis in vita et post mor-

tem miraculis claram Clemens nonus sanctarum Virginum número ascripsit: cujus corpus in præsentem diem incorruptum conservatur.

**R.** Afferentur Regi. [133]  
**In iij. Nocturno, Homilia.** Sæpe vos, fratres. **de Communi.** [136]  
**In ij. Vesperis, Commem. simplicis, ut infra.**

DIE XXX. MAIL.

S. Felicis I.

**Papæ et Martyris.**

**Añ.** Iste sanctus pro lege Dei sui certavit usque ad mortem, et a verbis impiorum non timuit; fundatus enim erat supra firmam petram. **V.** Glória et honore.

**Oratio.**

**I**nfirmiātem nostram respice omnipotens Deus: et quia pondus propriæ actionis gravat, beati Felicis Martyris tui atque Pontificis intercessio gloriōsa nos protégat. Per Dóminum.

**Lectio iij.**



Elix Romānus, pater Constantio, Aureliano imperatore præfuit Ecclesiæ. Constituit ut Missa supra memorias et sepulcra Már-

tyrum celebraretur. Qui cum mense Decembri habuisset ordinationes duas, et creasset Presbyteros novem, Diaconos quinque, Episcopos per diversa loca quinque, martyrio coronatus, via Aurélia sepelitur in basilica, quam a se ædificatam dedicarat. Vixit in pontificatu annos duos, menses quatuor, dies viginti novem.

**Te Deum laudamus.** 18.

**Ad Laudes, Añ.** Qui odit animam suam in hoc mundo, in vitam æternam custodit eam. **V.** Justus.

DIE XXXI. MAIL.

S. Angelæ Mericiæ

Virginis. Duplex.

**Omnia de Communi Virginum** [122] præter seq.

**Oratio.**

**D**eus, qui novum per beatam Angelam sacrarum Virginum collegium in Ecclesia tua florescere voluisti: da nobis ejus intercessione angelicis moribus vivere; ut terrenis omnibus abdicatis, gaudiis perfrui mereamur æternis. Per Dóminum.

**Fit Commem. S. Petronillæ Virg. Añ.** Simile est regnum cælorum hó-

mini negotiatori quærenti bonas margaritas: inventa una pretiosa, dedit omnia sua, et comparavit eam. **V.** Diffusa est.

**Oratio.**

**E**xaudi nos Deus salutaris noster: ut sicut de beatæ Petronillæ Virginis tuæ festivitate gaudemus, ita piæ devotionis erudiamur affectu. Per Dóminum.

**In j. Nocturno, Lectiones de Scriptura occurrente.**

**In II. Nocturno.**

**Lectio ib.**



ngela Mericia Decentiani, Veronensis diocesis oppido, ad lacum Benacum in ditione Veneta piis orta parentibus, a prima ætate virginitatis liliū, quod perpetuo servare statuerat, sedula sepsit. Ab omni muliebri ornatu abhorrens egrégiam vultus formam, pulchrámque cesariem studiose fœdavit, ut cœlesti dumtaxat animarum Sponso placeret. In ipso autem adolescentiæ flore parentibus orbata, austerioris vitæ desiderio in desertum locum aufugere tentavit: sed ab avunculo prohibita novit præstare domi, quod in solitudine



non licuit. Cilicio ac flagellis frequenter usa; carnem non nisi infirma valetudine, vinum in Nativitatis et Resurrectionis Dominicæ tantum celebritate, complures vero dies nihil omnino degustavit. Oratiōi dedita brevissimum humi carpēbat somnum: dæmonem vero sub lucētis Angeli forma sibi illudere conāntem agnōvit prōtinus, et conjecit in fugam. Tandem paternis bonis abdicatis, et habitum ac regulam Tertiū ordinis sancti Francisci amplēxa, evangēlicam paupertatem virginitatis laudi conjūxit.

✠ Propter veritatem, et mansuetudinem, et justitiam: \* Et deducet te mirabiliter dextera tua. ✎ Spēcie tua et pulchritudine tua, intēde, prospere procede, et regna. — Et.

**Lectio v.**

**N**ullum pietatis officium erga proximos omittens, pauperibus, quicquid sibi ex mendicatio victu superesset, largiebatur; libenter ministrabat ægrōtis, pluraque cum magna sanctitatis fama peragravit loca, ut vel solatio esset afflictis,

vel reis veniam impetraret, vel infensos invicem reconciliaret animos, vel e vitiōrum cœno scelēstos revocaret. Angelōrum pane, quem unice esuriēbat, frequentissime refēcta, tanta caritatis vi ferebatur in Deum, ut sæpius extra sensus raperetur. Sacra Palæstinæ loca summa cum religione obivit, quo in itinere et visum, quem ad Cydonias appulsa oras amiserat, eōdem regrēssa recuperavit, et barbarōrum captivitatem ac naufragium imminens divinitus evasit. Romam denique firmam Ecclesiæ petram veneratūra, et amplissimæ jubilæi vēniæ percūpida, sedēte Clemēte sēptimo accessit; quam summus Pōntifex allocutus, ejusdem sanctimōniam suspexit, et commendavit summōpere; nec ab Urbe ipsam abire ante permisit, quam alio cœlitis vocatam agnōvit.

✠ Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. ✎ Propter veritatem, et mansuetudinem, et justitiam. — Propterea.

**Lectio vi.**

**B**rixiam itaque, ubi domum ad sanctæ Aphræ templum condūxit, reversa, novam ibi virginum societatem, sicut cœlesti voce ac visione mandatum sibi fuerat, sub certa disciplina, sanctisque vivendi regulis constituit, quam sanctæ Ursulæ invictæ Virginum ducis patrocinio ac nomine insignivit: eam vero perennem futuram morti proxima prædixit. Tandem prope septuagenaria, dives meritis evolavit in cœlum: sexto Kalendas Februarii anni millésimi quingentésimi et quadragésimi, cujus cadaver per ipsos triginta dies inhumatum, flexibile, ac vivo simillimum perseveravit. Demum in sanctæ Aphræ templo inter ceteras, quibus illud abundat, Sanctorum reliquias repōsito, plurima ad ejus sepulcrum agi statim cœpere miracula: quorum fama late diffusa, non Brixie modo, et Decentiani, sed alibi etiam vulgo cœpit nuncupari Beata, ejusque imago aris imponi; imo

sanctus ipse Carolus Borromæus non multis post annis dignam, quæ ab apostolica Sede in sanctarum Virginum album referretur, Brixie palam asservit. Cultum vero illi jamdiu a populis exhibitum, et tum locorum ordinariis probatum, tum pluribus etiam summorum Pontificum indultis munitum, Clemens Papa decimustertius solēnni decreto ratum habuit, ac confirmavit. Eam tandem, novis miraculis rite probatis insignem, Pius Papa septimus solēnni canonizatione in Vaticana basilica peracta, die vigesima quarta Maii anno millésimo octingentesimo septimo, sanctarum Virginum catalogo ascripsit.

✠ Afferentur. [133]

In iij. Nocturno, Homilia. Sæpe vos, fratres. de Comuni. [136]

In Laudibus Commem. simpl. Añā. Veni sponsa Christi, accipe coronam, quam tibi Dominus præparavit in æternum.

✎ Spēcie tua.

Oratio. Exaudi nos. ut supra. 449.

